

Bosna i Hercegovina
Federacija Bosne i Hercegovine
Unsko-sanski kanton
OPĆINA BUŽIM
OPĆINSKI NAČELNIK

Broj: 02-04-310-10/25
Bužim, dana 12.5.2025.godine

Na osnovu člana 72. stav (3) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku - Izvođenje radova na izgradnji objekta JU Dječiji vrtić Bužim, Faza I, na preporuku Komisije za javne nabavke, Općinski načelnik općine Bužim kao rukovodilac ugovornog organa donosi:

ODLUKU
o dodjeli ugovora drugorangiranom ponuđaču

Član 1.

Ugovor za nabavku radova - Izvođenje radova na izgradnji objekta JU Dječiji vrtić Bužim, Faza I, dodjeljuje se drugorangiranom ponuđaču „VELIĆ KOP“ d.o.o. Bos.Krupa koji je dostavio ponudu broj: 01-54/25 od 17.04.2025.godine u kojoj je ponudio cijenu od 747.404,90 KM bez PDV-a odnosno 874.463,73 KM sa PDV-om, a nakon što izabrani ponuđač nije dostavio traženu dokumentaciju u skladu sa Obavijesti o rezultatima postupka javne nabavke i Tenderskom dokumentacijom.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 02-04-310-6/25 od 28.04.2025.godine kojom se ugovor za nabavku radova na izgradnji objekta JU Dječiji vrtić Bužim, Faza I, dodjeljuje ponuđaču „EL-GRADNJA“ d.o.o. Bos.Krupa.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-310/25 od 25.03.2025.godine. Javna nabavka je provedena putem otvorenog postupka Izvođenje radova na izgradnji objekta JU Dječiji vrtić Bužim, Faza I. Obavještenje o nabavci broj: 1119-1-3-20-3-18/25 od 26.03.2025.godine - objavljeno na portalu JN (TD preuzelo ukupno 24 ponuđača) i u „Službenom glasniku BiH“, broj: 20/25 od 04.04.2025.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da su 2 (dvije) ponude prihvatljive; i
- da nije bilo neprihvatljivih ponuda.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da u roku ne dužem od 5 (pet) dana od dana zaprimanja Obavijesti i Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nije dostavio u sastavu ponude.

Nakon što je izabrani ponuđač „EL-GRADNJA“ d.o.o. Bos.Krupa dostavio dokumentaciju, Komisija za javne nabavke je izvršila pregled iste o čemu je sastavljen i Zapisnik o pregledu i ocjeni pristigle dokumentacije izabranog ponuđača, broj: 02-04-310-8/25 od 05.05.2025.godine. Komisija za javne nabavke je pregledom dostavljene dokumentacije konstatovala da je ponuđač „EL-GRADNJA“ d.o.o. Bos.Krupa dostavio u roku, dana 30.04.2025.godine, dokumentaciju u kojoj je dostavio Ovlaštenje Ministarstva za građenje, prostornog uređenja i zaštite okoliša USK za obavljanje djelatnosti iz tačke 3.7 Tenderske dokumentacije, a koje nije u skladu sa predmetom nabavke.

Isti je dostavio Rješenje kojim se produžava važenje Ovlaštenja Ministarstva za građenje, prostornog uređenja i zaštite okoliša USK, broj: 11-23-438-UP-1/19 od 12.03.2019.godine, do 12.03.2027.godine. Izdato rješenje Ministarstva pravnom licu „EL-GRADNJA“ d.o.o. Bos. Krupa odnosi se na izvođenje pojedinih radova na građevini – oblast niskogradnja.


U skladu sa naprijed navedenim, Ugovorni organ je postupio u skladu sa članom 72. stav (3) tačka b) Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove odluke..

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema iste. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manji od tri.

Dostaviti:

1. „VELIĆ KOP“ d.o.o. Bos.Krupa,
2. „EL-GRADNJA“ d.o.o. Bos.Krupa,
3. Web stranica općine Bužim,
4. U spis.



**U ime ugovornog organa
OPĆINSKI NACELNIK**

Mersudin Nanić, dipl.ing.inf.